

榕郡名勝輯要

中

榕郡名勝輯要卷二

道山觀

在烏石山東南舊有玉皇閣

國朝順治中郡人孫昌裔捨地增脩有石刻孫子長讀書處
六字閣後即崔子放鶴亭故址有篆書冲天臺三字徑二
尺五寸有崔舌橋閣下有石聳立楷書望潮峰三字旁為
老佛庵

崇正書院

明嘉靖初學使姜寶建拔郡人高等者講學其中在神光寺東

道山書院

明隆慶間御史王應鐘罷官歸講學道山下從遊甚衆學使宋儀望為建書院在烏石山西南麓

南澗寺

在烏石山梁大通六年居士蘓清捨宅為之唐乾寧二年閩王審知增建天王殿以寺居澗旁故名

周朴句 萬里重山繞福州南橫一道見溪流天邊飛鳥
東西沒塵裏行人早晚休曉日春山當大海迷雲古塹對
一高樓那堪望斷他鄉目只此蕭騷自白頭
仁王寺

在神光寺西石晉天福中閩連重遇建有雨花閣橫山閣
諸勝宋鄭俠有詩

神光寺

在烏石山南麓唐大厯三年折南澗寺為金光明院大中

開為監軍孤彪南莊後捨為寺請建額適宣宗夜夢神人
發光殿庭特賜名神光有絳月蘭若紫雲禪窟幙頭石諸
勝

翠巖寺

在烏石山華嚴巖隙地歲次浸沒康熙庚子僧人重建前俯
雉堞後枕般若臺中有青欖楸數圍蒼松翠竹襲映可入
郡人李馥有記

五百羅漢寺

在烏石山麓閩王審知夢僧入數百尖尖有光所至有雙
檜并池旦尋而得之遂名池曰浴聖檜曰見聖建寺曰五
百羅漢寺今廢為常豐倉

地平瑜珈寺

在烏石山北明成化改為養正書院福建按察使何喬新
講學之所後復改為提學道今廢

漱石山房

在烏石山南明郡人陳一元習靜處多巖石有杏林大可

十圍亦名杏臺今杏臺

鱗次臺

在烏石山南天皇嶺東登其巔望城中屋次鱗鱗故名石
上摹刻米芾第一山三大字

黃氏刻石詩 祖居山下自唐遷故老相傳八百年但使
兒孫能守分不教滄海變桑田

宋狀元候官王朴居此元處士吳海亦寓此名鱗次山房

道士井

在天皇嶺晉時有林氏渡江入閩遇華陽道士謂可鑿井
於城南山下若遇磐石即止必有泉焉林如其言果得磐
石白豕躍出井中泉遂湧今大旱不涸

石室清隱齋

在天皇嶺下朱子講學處題石尚在

石塔寺

在烏石山南南澗寺東唐貞元十四年德宗誕節觀察使柳
冕以石建塔啓祝賜名無垢淨光塔閩王曦重脩為石塔

寺旁有塔影池望之如筆橫水面清漪襲人

玉尺山

烏石山之支也有巨石篆閩山二字舊有寺宋程師洙以
光祿卿知福州嘗遊此寺僧為刻光祿吟臺四字於石上
師洙句永日清陰喜獨來野僧題石作吟臺無詩可比

顏光祿每愛登臨却自回

近以為光祿大夫方寬居此者誤

米友堂

在光祿坊

國朝處士許友讀書處中有紫藤花庵岍船樵歇君到軒見
山軒浮崗陶旄諸景

樸學齋

在光祿坊

國朝林佶讀書處中有志在樓棲鶴巢佶皆有記

荔水莊

面烏石山舊名西園以在羅漢洋北又有洋尾園明初駙

馬都尉王恭拓城取土周廻成六塘成化間為督舶燕遊
之所嘉靖時王應時薛夢雷遞為別墅中羅植荔櫨嘉丹
有少佳樓萊葭草堂水雲亭賓蓮塘山鏡堂閣風樓魚我
橋諸勝水色山光映帶林亭

國朝林遜讀書於此改名荔水莊

紡綬堂

在甘液里明孝廉曾異撰所居異撰自題紡綬堂

異撰句 小逕新開當小園朋來拜母共清尊老思愛日

心徒遠賤豈傷時
舌未捫歲月未堪金
作勝行藏依舊
席為門蕭然負甕澆
粗糲慙愧燈前一石
髯

鐘山

在會城西南亦烏石山之支也梁太守李士俊宅後有小
阜時聞鐘聲遂捨宅為寺名大中寺有定慧塔七級又有
五百羅漢像

明馬森詩
浮屠佛像空中降
蘭若鐘聲地下鳴

鐘邱園

在鐘山石雅俗橋明尚書馬森別館中有竹香亭凌雲館
成趣門藏書樓不緇軒凌虛樓薔薇逕小石臺聽鶯亭四
照軒諸勝石臺之畔刻鐘山萃靈四字森自為記

西峰草堂

在西峰里明宗伯曹學佺所居

學佺移居西峯社詩

昔慕林野曠卜築依巖耕衰齡懼

風露推拏入巖城漁釣屏不事詩書閱餘生雖在窮巷

內尚得西峰名

湖西草堂

在西峰里明張都閫居此其孫張萬里官閫幕有文名

明林炫句

張燈開宴湖水頭山光蒼翠映西樓隔城荷

芰臨風好繞席松筠帶水幽

興學亭 勸農亭

明成化間革亭唐珣知福州下車新學宮增置書院集士
子講學其中創迎春亭於東郊行省耕歛法築塘於五虎
門外以捍海潮令民開墾州田設四鄉義倉鼓塚禁焚撤

淫祠民德之特建唐公祠以祀監興學勸農二亭於祠內
在城西鋪左

九仙山

在會城東南隅高一百十五步周迴三百一十步與烏石
山對峙初名于山漢何氏兄弟九人當武帝時父為淮南
王客知王必敗遂竄入閩隱居煉丹於此人稱為九仙故
名九仙山又名九日山以越王無諸九日登高於此今有
大石鐫尚存山有二十四竒最著者曰平遠臺居中占勝

曰野意亭曰鰲頂峰自山坪躡屐以登千峰萬井皆在鳥
履之下傍有玉蟬峰與鰲頂峰相連而差小又有煉丹井
浴鵬池磊老巖躍馬巖仙人床金積園杏壇琴臺青牛洞
仙人梯仙羊石九日臺龍舌泉石龜池梅嶺獅子巖集仙
巖諸勝其石刻有鵬海天風四字金粟臺三字大篆徑二
尺平遠臺三字喜雨臺三字香壇二字小華山三字廓然
臺三字諸勝多程師孤命名

九仙初生目俱盲獨長者目為前導及遊莆遇胡道人飲

龍津廟井水各眼俱開嗣從福清石竺徙莆九滌各乘一
鯉仙去今謂之九鯉湖

宋蔡襄九日詩

偶爾尋幽上翠微遊人啼鳥似前期花

間行印露沾紙山上放衙雲滿旗艷艷舞衣朝日處飄
飄商櫓落潮時傳杯且與乘春醉身世悠悠兩自遺

九仙觀在九仙山巔舊為偽閩王寶皇宮故址崇寧二年
郡人謂烏石九仙左弱右彊乃建觀於山上號天寧萬壽
觀政和間郡守黃裳增建樓閣元至正初改名九仙觀明